

西域圖志



西域圖志



欽定皇輿西域圖志卷之八目錄

疆域一 安西南路

嘉峪關

安西州屬

安西州治

得勝墩

小灣堡

雙塔堡

布朗吉

柳溝堡

馬蓮井

橋灣堡

新瓜州

古瓜州

百齊堡

踏實堡

苦峪

石包城

蘆草溝

玉門縣治

高見灘

駙馬城

惠回堡

靖逆城

塔兒灣堡

敦煌縣治

甜水井

黃塹堡

青塹峽

沙棗墩

黨城

呼羅蘇台

古玉門關

古陽關

白龍堆

流沙

色爾騰海

噶斯

欽定皇輿西域圖志卷之八

疆域

臣等謹按古者度地分野。辨服區州。禹跡成經。職方命氏。申郊圻而固封守。列藩鎮以周天下。莫不賅通八埏。條貫九域。此地理郡國之志所由作也。若夫大荒以外。提封不及。號稱四塞。而西境尤廣。夏書卽敘之義。僅紀流沙。王制狄韞之通。未區方域。三代以降。紀載日詳。班范二史。舊稱該洽。亦不過臚列國之名稱。準道里之遠。

近其於都城亭堡之殊形。原隰墟沙之異致。罕得而詳焉。唐志西域。兼採釋氏所述。稱名頗異於古。列爲州府。僅曰羈縻。錯壤之疆域不分。領州之名號或缺。揆厥所由。豈非存駕馭之名。鮮開闢之實。有都護校尉之置。而不能革單于之頭銜。有安西北庭之隸。而不能登農部之版籍。是以方隅梟具。圭臬難徵也歟。我

朝統壹函夏。式廓丕基。茲復會逢

盛際。收準夷之疆索。輯回部之版章。其人民足以

守耕牧之業。其土宜足以昭貢賦之經。爰設郡縣。建學校。與內地赤縣神州相表裏。固已遠軼漢唐而上矣。今試覽其崖畧。玉關東峙。洱海西環。廬帳區分。城垣保界。莫不仰流鱗集。繩貫絲聯。以成大一統之盛。於是區列部以居方。辨廣輪而知數。首紀安西南北路。次紀天山南北路。表百餘年。

謨烈之長著二萬里

聲靈之遠。其歷代以來沿革故實。史傳足徵者。亦隨

地引證。使首尾貫穿。用資考鏡。夫不履虞淵之濱。不知日月之所居。不登崑崙之頂。不悟天地之無窮。臣等躬逢

邛治記載

鴻圖。括兩戒於階庭。輦九州如戶闥。是誠伊古以來郡國地理諸書所未臻之極軌也。志疆域第五。

欽定皇輿西域圖志卷之八

疆域一

安西南路

嘉峪關

嘉峪關爲西域東陲。在肅州西七十里。嘉峪山西麓。西距玉門縣一百八十里。距安西州六百五里。其地屬漢酒泉郡之祿福縣。後漢改福祿縣。晉。魏。周。因之。隨大業初。改屬張掖郡。義寧初。改酒泉縣。唐武德二年。屬肅州。大厯初。陷吐蕃。

宋入西夏。元屬肅州路。明屬肅州衛。洪武五年。馮勝下河西。置嘉峪關以限中外。爲西域貢道所從入。嘉靖二年。閉關自守。

本朝初屬肅州衛。雍正二年。裁衛屬甘州府。七年改屬肅州。關城周二百二十二丈。西四十里曰雙井。又西接安西州玉門縣界。

〔明史地理志〕肅州衛西有嘉峪山。其西麓卽嘉峪關也。宏治七年。扁關曰鎮西。〔西域傳〕太宗置哈密。沙州。赤斤。罕東四衛於嘉峪關外。以屏蔽

西陲

按漢列四郡。唐據瓜沙。古稱西域門戶。以玉門陽關爲扼要。明初嘉峪關之設。是曰重門。季世因循。諸番內徙。但以嘉峪爲中外巨防。聲教所及。不踰閨闕。我

朝初五衛之立。聲援聯絡。長策遠馭。西居流沙。

皇上德威遐暢。底定西陲。葱嶺以西。儼同內地。惟是聖經營之區。撫綏駕御。升聽衛爲州縣。適當大武告成之後。未可以畧而弗書。爰追舊邊之屏翰。

列

拓全盛之山川。仍以嘉峪關爲首。

安西州屬。舊爲靖逆。赤金。柳溝。安西。沙州。五衛。

地。設安西鎮。乾隆二十四年。西域平。以其地置。

安西府。統縣三。淵泉。墩煌。玉門。三十八年。裁府。

以淵泉縣地。改安西州。統縣二。墩煌。玉門。州境。

東接肅州界。北接哈密界。西至流沙。南至南山。

〔漢書地理志〕酒泉郡。武帝太初元年開。縣九。祿。

福。表是。樂涪。天依。玉門。會水。池頭。綏彌。乾齊。敦。

煌郡。武帝後元年分酒泉置。縣六。敦煌。冥安。效。

穀淵泉廣至龍勒

〔後漢書郡國志〕酒泉郡。武帝置。雒陽西四千七
百里。九城。福祿。表氏。樂涇。玉門。會水。沙頭。安彌。
乾齊。延壽。敦煌郡。武帝置。雒陽西五千里。六城。
敦煌。冥安。効穀。拼泉。廣至。龍勒。

〔晉書地理志〕元康五年。惠帝分敦煌郡之宜禾。
伊吾。冥安。深泉。廣至等五縣。分酒泉郡之沙頭。
縣。又別立會稽。新鄉。凡八縣。爲晉昌郡。張駿分
酒泉爲涼州。敦煌。晉昌爲沙州。張祚又以敦煌